



Innkalling
av
Kommunestyret

Møtedato: 13.06.2019
Møtestad: Konferanserommet
Møtetid: 09:00 - 15:00

Orienteringar:

- Status helse og omsorg v/Margrethe Kvamme
- Status nytt nærings- og tenestesenter
- Status rassikring ved fotballbana
- Orientering om samanslåing av kommunal revisjon
- Prosess høyringsuttale nasjonal ramme for vindkraft

Eventuelle forfall må meldast via Møteportalen (politikarportalen). Ordføraren må og få melding om forfall til møter.

Varamedlemmer møter berre etter nærare avtale.

Sakliste

Sak nr.	Sakstittel
027/2019	Godkjenning av innkalling og sakliste
028/2019	Godkjenning av møteprotokoll
029/2019	Referatsaker
030/2019	Orienteringssaker
031/2019	Kjøp av bustadområde - Nedre Helland Gnr.78 Bnr.5.
032/2019	Ny selskapsavtale for Interkommunalt arkiv i Hordaland IKS
033/2019	Sosialsatsar NAV Fensfjorden
034/2019	Økonomirapportering 1. tertial 2019
035/2019	Årsmelding og rekneskap 2018
036/2019	Framlegg møteplan hausten 2019
037/2019	Krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet
038/2019	Brannstasjon på Mo

5. juni 2019

Tom Kristian Thorsen
møteleiar

Jo Bjarte Tømmerbakke
sekretær

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	19/143

Saksnr	Utvalg	Type	Dato
027/2019	Kommunestyret	PS	13.06.2019

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	19/143

Saksnr	Utvalg	Type	Dato
028/2019	Kommunestyret	PS	13.06.2019

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Vedlegg:

Protokoll - Kommunestyret - 02.05.2019

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	19/143

Saksnr	Utvalg	Type	Dato
029/2019	Kommunestyret	PS	13.06.2019

Referatsaker

Underliggjande saker:

Saksnummer	Tittel
029/2019.1	Protokoll frå 21.05. 2019 - møte Kontrollutvalet Modalen kommune
029/2019.2	Protokoll Regionråd 2-2019, fredag 22. mars
029/2019.3	Protokoll Regionråd 3-2019, fredag 10. mai
029/2019.4	Rapport til eigarane av IHR og NHR IKS

Forslag til vedtak:

Referatsaker vert tekne til orientering.

Saksopplysningar:

Vedlegg:

Protokoll frå 21.05. 2019 - møte Kontrollutvalet Modalen kommune
Protokoll Regionrådet 2-2019, 22. mars
Protokoll Regionrådet 3-2019, 10. mai
Rapport til eigarane av IHR og NHR IKS

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	19/143

Saksnr	Utvalg	Type	Dato
030/2019	Kommunestyret	PS	13.06.2019

Orienteringssaker

Forslag til vedtak:

Sakene vert tekne til orientering

Saksopplysningar:

Sakspapir

Saksbehandler	Arkiv	ArkivsakID
Tone Selmer Skuggevik	FA-L33, TI-&01	19/4

Saksnr	Utvalg	Type	Dato
016/2019	Formannskapet	PS	04.06.2019
031/2019	Kommunestyret	PS	13.06.2019

Kjøp av bustadområde - Nedre Helland Gnr.78 Bnr.5.

Forslag til vedtak:

Modalen kommune kjøper regulert bustadområde frå grunneigar på Nedre Helland, Gnr. 78 Bnr.5. for kr. 30,- pr. m² . Bustadarealet er ca. 15 500 m². Grunneigar beheld ei av tomtene. Endeleg oppgjer etter oppmåling. Kjøp av tomtearealet gjennomførast i 2019. Det er løyvd midlar til prosjektet i investeringsbudsjettet for 2019.

Saksopplysningar:

Bakgrunn

På Nedre Helland er det eit regulert bustadområde som er eigd av privat grunneigar, Torbjørn Trohaug, Gnr. 78 Bnr. 5. Området er ikkje utbygd. Det er komen inspel til kommunen med ynskje om å kjøpe tomt i bustadområdet.

I KS sak 017/2018 vart det vedteke at kommunestyret ynskjer å sette i gang regulering på Kleivane, på område som er avsatt til bustadområde i kommuneplanen. Regulering av dette området er ikkje starta opp, på grunn av uavklara avtalar med grunneigar.

I FOR sak - 005/07 og KS sak - 008/07 vart framlegg til reguleringsplan for barnehage og bustader på Nedre Helland, Gnr 78 Bnr 5 og 27 samrøystes vedteke.

I framlegg til reguleringsplan som då låg føre vart området på Nedre Helland regulert til byggeområde, område for offentleg barnehage og til bustadområde, 4 kommunale og 6 private tomter med tilhøyrande anlegg.

Det er i dag 3 kommunale tomter att på Nedre Helland.

I formannskapet den 04.09.2018 under 027/2018 under orienteringssaker, vart saka teken opp til

drøfting grunna henvending frå grunneigar. Teknisk sjef, orienterte om saka og la fram forslag til alternativ for kommunen :

- Modalen kommune kjøper tomteområdet på Nedre Helland frå grunneigar, og vidarefører veg/vatn/kloakk frå eksisterande felt.
- Vedkommande som ynskjer å byggje tek kontakt med grunneigar for kjøp, og deretter syt for veg/vatn/kloakk sjølv
- Kommunen avventer salg/utnytting av 3 ledige tomtar i området før evt. kjøp av meir tomteland.

Drøfting:

Ordførar: Vurdere sak inn mot budsjettprosess. Eikefet: Modalen kjøper tomteland og styrer prosessen som heilskap. Varaordførar: ynskjer å få framlagt sak. Vurdere å gå i dialog med grunneigar for pris og mogleg veg vidare. Vidareutvikle Hellandsområdet som heilskap. Konklusjon: administrasjonen utarbeider sak.

I økonomiplanen 2019 -2022, vedteke i kommunestyret KS-sak 055/2018, 13.12.18. s.29 under pkt. Oversyn over investeringar vart det satt av kr 600 000,- til tilrettelegging av bustadareal, tomtekjøp, opparbeiding m.m.

Rådmannen legg difor fram sak til politisk handsaming, om framlegg til kjøp av regulert bustadfelt på Nedre Helland frå grunneigar, Gnr 78 Bnr. 5.

Vurdering

Kommunen inviterte til eit møte den 08.01.2019. med grunneigar. Kommunen har vore i dialog med grunneigar om å kjøpe området. Ei av tomtene ynskjer grunneigar og behalde sjølv, (sjå vedlegg 3. TT på gult felt) dei 5 andre bustadtomtene er han villig til å selje. Infrastrukturen er lett å opparbeide i høve terrenget og vil ikkje varte for kostbart å opparbeide.

Kommunen har undersøkt kva kommunen betalte for kjøp av tomteareal i same område i 1989. Den gong vart pris på arealet sett til kr. 15,- pr. m². I dialog med økonomisjefen i kommunen og prisjustering i høve indeksregulering, har me teke utgangspunkt i pris kr. 15,- pr. m² (som vart brukt i 1989), og landa på kr. 30,- pr. m² for 2019. Kommunen ynskjer å kjøpe eit areal på ca.15 500 m² frå grunneigar. Nøyaktig areal vil bli korrigert ved oppmåling av område.

Modalen kommune sitt tilbud til grunneigar er : kr. 30,- pr. m² x 15 500 m² = kr. 465 000 ,- (avhengig av justeringar etter oppmåling av område)

Grunneigar har godteke tilbodet.

Saka er avhengig av politisk vedtak.

Konklusjon

Modalen kommune kjøper regulert bustadområde frå grunneigar på Nedre Helland Gnr. 78 Bnr. 5. for kr. 30,- pr. m² x 15 500 m² = kr. 465 000,- . Endeleg oppgjer etter oppmåling. Grunneigar beheld ei av tomtene. Løyvde midlar i investeringsbudsjettet 2019 på kr.600 000,- brukast til prosjektet.

Vedlegg:

Kart vedlegg 1

Kart vedlegg 2

Kart vedlegg 3

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-046, TI-&01	19/144

Saksnr	Utvalg	Type	Dato
032/2019	Kommunestyret	PS	13.06.2019

Ny selskapsavtale for Interkommunalt arkiv i Hordaland IKS

Forslag til vedtak:

Modalen kommune vedtek selskapsavtale for Interkommunalt Arkiv i Hordaland IKS og gjer denne gjeldande frå og med 01.01.2020.

Modalen kommune vedtek tilskotsmodell for Interkommunalt Arkiv i Hordaland IKS og gjer denne gjeldande frå og med 01.01.2020.

Saksopplysningar:

Bakgrunn

Den 30. april 2019 gjorde representantskapet ved Interkommunalt arkiv i Hordaland IKS vedtak om å fremje forslag om endring i selskapsavtala frå 01.01.2020. I same møte vedtok ein og framlegg til eigarbrøk samt ny tilskotsmodell.

Tilskotsmodellen tek utgangspunkt i eit grunnbeløp som er likt for kvar eigarkommune, i tillegg til eit fast kronebeløp for kvar innbyggjar ut frå tal frå SSB pr. 1 januar føregåande år.

Eigarbrøk utgår frå samla innbetalt tilskot og vert justert kvart 4 år på bakgrunn i endringar samt inn og utmeldingar i selskapet.

Økonomiske konsekvensar

Tilskot til selskapet vert i ny tilskotsmodell eit fastbeløp på 91 667 kr samt 3,15 kr. pr. innbyggjar. Dette fører til at Modalen kommune frå 2020 skal yte eit eigartilskot på 92 873 kr.

Dette vert ei auke på 17 877.- i frå 2019. Auken skuldast at talet på eigarar går ned og kostnadar skal

fordelast på færre eigarar. Modalen kommune har og fått ordna arkiva sine frå 1965- til ut på 1990 talet og dermed fått utført meir arbeide innanfor eigartilskotet enn dei andre eigarkommunane.

Andre eigarkommunar har ikkje fått utført dette arbeidet. I ei ny selskapsavtale vert ordning av arkiva tilbydd gjennom ei oppdragsavtale der dei lyt betale omgåande for utført arbeide.

Modalen kommune sin eigardel i selskapet vert endra frå 1,92 % i 2019 til 3,0 % frå 2020. Dette skuldast at eigardelen føl tilskotet og at eigarbrøken skal fordelast på færre eigarar.

Konsekvensar av eit negativ vedtak:

Skal selskapsavtala endrast, er det ein føresetnad at det vert gjort likelydande vedtak i samlege av eigarane sine kommunestyre. Ny selskapsavtale er ikkje gjeldande før den er godkjend i føretaksregisteret.

Om det ikkje vert vedteke ny selskapsavtale innan 1. januar 2020 vil gamal avtale gjelde og gamal tilskotsmodell vert lagt til grunn fram til ny er vedteke.

Konklusjon

Endringane i selskapsavtalen og tilskotsmodellen er knytta til endra eigarstruktur som følgje av kommunereforma med etablering av nye kommunar, og er difor naudsynt å gjennomføre. Rådmannen vurderer difor at det er naturleg at Modalen kommune føl oppfordringa frå representantskapet ved Interkommunalt arkiv i Hordaland IKS sitt vedtak frå 30.04.2019, og dermed gjer eit likelydande vedtak som dei andre eigarkommunane

Vedlegg:

Selskapsavtale Interkommunalt arkiv i Hordaland pr. 01.01.2020

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-026	18/183

Saksnr	Utvalg	Type	Dato
033/2019	Kommunestyret	PS	13.06.2019

Sosialsatsar NAV Fensfjorden

Forslag til vedtak:

NAV Fensfjorden skal følgje statens rettleiande satsar for økonomisk stønad, med dei reguleringar som vert gjort årleg.

NAV Fensfjorden får fullmakt til å fastsetje rutiner for andre ytingar ut frå eit forsvarleg skjønn, og med kjennskap til kostnadsnivå i kommunane.

Saksopplysningar:

Bakgrunn

Dei fem kommunane Fedje, Austrheim, Gulen, Modalen og Masfjorden har vedteke å ha eit forpliktande samarbeid etter ein vertskommunemodell.

Masfjorden kommune er vertskommune for dette samarbeidet og utbetalingane vil skje gjennom Masfjorden sitt økonomikontor, og så vil ein krevje refusjon frå dei andre kommunane for utbetalingar til deira innbyggjarar etterskotsvis.

Vurdering

Dei fem kommunane hadde til ein viss grad ulike satsar på stønadsnivå. Det var sett ned ei arbeidsgruppe av sakshandsamarar frå alle kontora, for å få til likebehandling i NAV Fensfjorden og felles forståing av lov og regelverk på området.

I forslaget skil ein mellom lovbestemte ytingar til livsopphald i Sosialtenestelova § 18 og ytingar i særskilte høve etter Sosialtenestelova § 19. I dei sistnemnde sakene er størrelsen på ytinga underlagt skjønnsutøving med utgangspunkt i faktiske behov.

NAV har både ei rett og ei plikt til å utøve skjønn i kvar einskild sak når ein yter ein stønad. Satsane er såleis rettleiande.

Arbeidsgruppa tilrår at NAV Fensfjorden følgjer staten sine satsar. Desse blir revidert årleg i høve løns, pensjons og kostnadsutvikling på nasjonalt nivå.

Statleg rettleiande månads-sats 2019:

Einslege	kr 6 150
Ektepar/Sambuarar	kr 10 250
Person i bufelleskap	kr 5 150
Barn 0-5 år	kr 2 400
Barn 6-10 år	kr 3 050
Barn 11-17	kr 4 000

Desse satsane skal dekke utgifter til mat, klede, sko, vanlege hushaldningsutgifter til personleg hygiene og reinhald , daglege reiseutgifter og forsikringar.

I tillegg kan ein etter søknad få støtte til etablering, husleige, straum, stønad ved høgtider og dåp/navnedag/konfirmasjon, fødselsdagsmarkeringar, tv/internett/media, barnehage/sfo, skulestart, aktivitetar for barn, samværstillegg, lege/medisin, reiseutgifter/ bilutgifter og tannbehandling.

Ein kan også i særlege tilfelle gi hjelp til midlertidig bustad og naudhjelp. Dette er utgifter der ein har ein skjønnsutøving i kvar enkelt sak og det er difor problematisk å fastsette satsar for kor mykje ein skal gje i kvart enkelt tilfelle.

Konklusjon

Rådmannen vurderer at det i eit vertskommunesamarbeid som NAV Fensfjorden er naudsynt å ha eit felles sett med stønadssatsar for lovbestemte ytingar og felles rutiner for fastsetjing av andre ytingar, då alle sakshandsamarane på kontoret skal kunne arbeide med saker på tvers av og frå alle medlemskommunane. Felles satsar vil og sikre likebehandling på tvers av kommunegrenser.

Rådmannen vurderer i tillegg at det er både forutsigbart og fornuftig at ein legg seg på staten sine satsar, som vert årleg justert og revidert. Dette sikrar at satsane vil følgje normal løns- og prisvekst på

lik linje med samfunnet for øvrig.

Sakspapir

Saksbehandler	Arkiv	ArkivsakID
Magne Verpelstad		19/136

Saksnr	Utvalg	Type	Dato
017/2019	Formannskapet	PS	04.06.2019
034/2019	Kommunestyret	PS	13.06.2019

Økonomirapportering 1. tertial 2019

Forslag til vedtak:

Økonomirapporteringa for 1. tertial 2019 vert teken til orientering.

Saksopplysningar:

Bakgrunn

Tertialrapport nr 1 er den fyrste rapporten frå rådmannen til kommunestyret om økonomistoda i 2019. Minimum 2 gonger i året skal det fremjast eigne saker til kommunestyret om kommunen sin økonomiske situasjon (tertialrapportar).

Denne rapporten tek for seg økonomien i drifta, status og utfordringar for avdelingane, sjukefråvær, status for småinvesteringar og investeringar, samt status for finansområdet.

Vurdering

Drift:

I budsjettprosessen var det utfordrande å saldere budsjettet innanfor inntektsføresetnadene. Eigedomsskatteinntekta har heldigvis nådd botnen, og vert høgare i 2019 enn 2018, og vil truleg stige vidare i åra som kjem. På den andre sida har me utfordringar knytt til inntekt for ressurskrevjande brukarar samt nedgang i flyktningetilskot. Resultatet for 2018 synte negativt driftsresultat, og situasjonen er stram.

I denne rapporten vil me syne status og utfordringar i dei ulike tenestekområda og samla. Det vert førebels ikkje tilrådd budsjettjusteringar. Me vil komme tilbake til eventuelle framlegg til justeringar i samband med 2. tertialrapport til hausten.

Økonomisk oversikt drift pr 30.04.2019:

Økonomisk oversikt - drift	30.04.2019	2019	30.04.2018	31.12.2018
	Rekneskap	Justert budsj	Rekneskap	Rekneskap
Driftsinntekter				
Brukerbetalingar	654 252	2 072 300	567 694	2 064 024
Andre salgs- og leieinntekter	2 111 993	4 439 500	983 843	4 206 324
Overføringer med krav til motytelse	1 734 993	10 629 717	2 923 728	12 560 476
Rammetilskudd	8 976 281	21 800 000	8 722 303	20 708 810
Andre statlige overføringer	271 000	1 650 000	563 000	2 186 960
Andre overføringer	-	595 400	15 770	480 596
Skatt på inntekt og formue	10 698 462	9 200 000	11 649 276	8 850 258
Eiendomsskatt	9 064 200	17 526 000	8 124 781	16 249 558
Andre direkte og indirekte skatter	-	20 700 000	-	21 191 595
Sum driftsinntekter	33 511 181	88 612 917	33 550 395	88 498 600
Driftsutgifter				
Lønnsutgifter	15 278	40 944 013	14 382	41 315

	923		838	492
Sosiale utgifter	4 003 780	10 679 437	3 817 857	10 621 490
Kjøp av varer/tenes. som inngår i tenesteprod.	6 307 205	16 491 896	6 349 362	19 943 878
Kjøp av tjenester som erstatter tenesteprod.	2 332 658	10 632 720	2 908 194	10 082 568
Overføringer	2 520 838	6 999 851	2 959 837	7 166 459
Avskrivninger	-	6 625 600	-	6 837 361
Fordelte utgifter	-1 040	-404 000	-	-24 000
Sum driftsutgifter	30 442 363	91 969 517	30 418 087	95 943 249
Brutto driftsresultat	3 068 818	-3 356 600	3 132 308	-7 444 649

Økonomisk oversikt drift syner utgift og inntekt for heile kommunen, utan å splitte på ulike avdelingar, ansvarsområde eller tenesteområde. Rapporten syner såleis korleis rekneskapen er for kommunen samla på rapporteringstidspunktet for den aktuelle perioden: januar - april. Rapporten høver godt til å gje eit samla oversyn, samt situasjonen for dei aktuelle gruppene av inntekt og utgift.

Brutto driftsresultat pr 30.04 er kr 3,068 millionar som er svært likt, men nominelt noko lågare enn på same tidspunkt i fjor, då det var kr 3,132 millionar.

Sum driftsinntekt er svært lik, kr 33,5 mot kr 33,6 millionar. Likeeins er sum driftsutgift svært lik, kr 30,44 i 2019 mot kr 30,42 millionar i 2018.

Postar å ta omsyn til ved vurdering av stoda pr 30.4:

Inntekt frå sal av konsesjonskraft 2019 (Andre sals- og leigeinntekter)

Inntekt 2019 som ein ikkje fekk 2018.

Lågt budsjettert. Vil gje meirinntekt i høve budsjett.

Inntekt frå tilskot til kalking 2018 (Overføring med krav til motyting)

Øyremarka midlar 2018 til kalking. Kan altså ikkje saldere budsjett/rekneskap med desse midlane. Desse midlane bidrar til høgare brutto driftsresultat i 2018, men det er ikkje reelt å ta med desse i den samla vurderinga, då dei kun kan nyttast til kalkingsutgifter.

Flyktningetilskot (Andre statlige overføringer)

Desse inntektene går ned. Både lågare budsjett og rekneskap enn 2018.

Skatt/rammetilskot

Høgare inntekt pr 30.04 2018 enn tilsvarande i 2019. Dette er mellombels. Prognosen for heile året seier om lag kr 1,3 millionar høgare inntekt i 2019 enn 2018. Dette er basert på KS sin prognosemodell med oppdaterte vurderingar etter revidert nasjonalbudsjett.

Samla sett vert vurderinga av stoda pr 30.04 betre når ein tek omsyn til punkta over. Stoda pr 30.4 er såleis ikkje omtrent lik med fjoråret, men noko betre enn fjoråret.

Den samla økonomistoda synast tilfredsstillande. Det er likevel viktig med grundig oppfølging vidare i året.

Netto forbruk pr rammeområde 1. tertial:

	30.04.2019	2019		30.04.2018
Regnskapsskjema 1A - drift	Rekneskap	Justert budsj		Rekneskap
Skatt på inntekt og formue	10 698 462	9 200 000		11 649 276
Ordinært rammetilskudd	8 976 281	21 800 000		8 722 303
Skatt på eiendom	9 064 200	17 526 000		8 124 781
Andre direkte eller indirekte skatter	0	20 700 000		0
Andre generelle statstilskudd	271 000	1 650 000		563 000
Sum frie disponible inntekter	29 009 943	70 876 000		29 059 360
Renteinntekter og utbytte	25 195	246 300		16 011
Gevinst finansielle instrumenter (omløpsmidler)	0	200 000		10 127
Renteutg.,provisjoner og andre fin.utg.	199 673	420 000		160 496
Tap finansielle instrumenter (omløpsmidler)	0	0		0
Avdrag på lån	428 720	1 000 000		428 720
Netto finansinnt./utg.	-603 199	-973 700		-563 078
Til dekning av tidligere regnsk.m. merforbruk	0	0		0
Til ubundne avsetninger	0	6 327 100		0
Til bundne avsetninger	0	619 800		14 770
Bruk av tidligere regnsk.m. mindreforbruk	0	0		0
Bruk av ubundne avsetninger	1 115 244	4 000 000		0
Bruk av bundne avsetninger	306 425	926 600		36 048

Netto avsetninger	1 421 669	-2 020 300		21 278
Overført til investeringsregnskapet	0	0		0
Til fordeling drift	29 828 413	67 882 000		28 517 561
Sum fordelt til drift (fra skjema 1B)	25 941 124	67 882 000		26 577 289
Regnskapsmessig mer/mindreforbruk	3 887 289	0		1 940 272
			Forbruk i %	
RÅDMANNEN/SENTRALADM	4 822 255	14 641 782	32,9 %	5 982 659
KULTUR	737 466	1 970 509	37,4 %	758 973
NÆRING	1 115 491	2 536 683	43,9 %	1 828 594
SOSIAL OG BARNEVERN	220 409	1 173 000	18,8 %	397 727
SKULE	4 524 858	11 436 018	39,6 %	4 344 849
BARNEHAGE	2 129 669	5 013 192	42,5 %	1 963 108
PLEIE OG OMSORG	6 516 553	15 929 566	40,9 %	6 158 368
KOMMUNELEGE	1 583 073	5 200 565	30,4 %	1 589 346
TEKNISK	5 289 824	14 093 111	37,5 %	3 541 397
SENTRALE POSTAR	-998 474	-4 112 426		12 268
	25 941 124	67 882 000		26 577 289

Budsjett-/rammeområda:

Forbruk for eit rammeområde vil ligge omkring 35 %, **dersom** ein har jamn fordeling på inntekt og utgift gjennom året. Dersom utgifta aukar utover året, t.d. på grunn av lønsvekst, bør forbruket etter dei 4 fyrste månadane ligga noko under 35 %. Dersom inntekt kjem på etterskot i høve utgift, vil normalt forbruk ligge over 35 %. Dette vil vera typisk for refusjonsinntekt og liknande. Det er normalt med ulik fordeling på inntekt og utgift i løpet av året. Det er føremålstenleg å samanlikna med situasjonen året før. I vurderinga ser ein då korleis forbruket er i høve til same tidspunkt i fjor, og kan vurdere i høve til samla resultatet for fjoråret. Ein må sjølvstilt justere i størst mogleg grad for kjente endringar.

Rådmannen/sentraladministrasjon

Samla forbruk pr 30.04.19 er 32,9 %.

Budsjettområdet til rådmannen ligg noko høgt på utgiftssida pr dags dato, men det er ikkje unaturleg for dette ansvarsområdet på denne tida av året. Området omfattar felleskostnader med ein god del lisensar, gebyr og kontingentar som gjeld for heile året, og som vert betalt tidleg i året. På inntektssida ligg ein godt over budsjett på grunn av høgare inntekt frå sal av konsesjonskraft enn budsjettet (jf 5 årig avtale med Hordaland fylkeskommune). Forbruket på kommunekassen ligg høgt på dette tidspunktet (61%). Dette er hovudsakleg knytta til betalte forsikringsutgifter for 2019. Ein del av dette skal periodiserast/flyttast til 2020, samt salderast mot balansekonto.

IKT-kostnadene ligg på budsjettet nivå på noverande tidspunkt

På kundetorget har me eit forbruk under budsjettet nivå på noverande tidspunkt.

Sjukefråvær 1.kvartal:

I sjukefråværsoversynet er tal for rådmannen, sentraladministrasjon, sosial, kultur og næring slått saman.

Fråværsprosent pr 31.03: 9,6 %

Deler av dette knyt seg til tilhøve som ikkje er reelt fråvær, då den tilsette ved hjelp av reisetilskot frå NAV to dagar i veka og heimekontor 3 dagar i veka, kunne vere i fullt arbeid i heile skadeperioden.

Det har vore 2 langstidssjukmeldingar i perioden.

Kultur

Samla forbruk pr 30.04.19 er 37,4 %.

Kultur omfattar kulturområdet, bibliotek og Bryggjeslottet sine aktivitetar. Organisatorisk er det no leiar for kundetorget som òg er leiar for kulturområdet. Det er tilsett konsulent for kultur 01.01.19

Fastløn er ei stor utgiftspost og er i samsvar med budsjettet. Utgiftspostane er i balanse, men det kjem større utgifter innan kultur seinare på året. Ikkje alle inntekter til Bryggjeslottet er fakturert, dei vil koma inn i neste rapportering.

Innanfor stillinga til konsulenten for kultur er 20 % av stillinga knytt til Flyktningearbeid for Masjorden kommune. Denne utgifta skal refunderast av Masjorden kommune, men inntekta er ikkje fakturert og rekneskapsført enno.

Det vil verte ei omlegging av drifta innan kultur i løpet av året. Leiar for bibliotek og Bryggjeslottet vil frå 01.08 redusere stillinga til kun å omfatte Biblioteksdelen, og vil såleis ha ei 50 % stilling knytt til det. Korleis ein skal løyse Bryggjeslottdelen av stillinga er til vurdering, men det er ikkje konkludert noko enno.

Sjukefråvær: Sjå kommentar under Rådmannen/sentraladm.

Sosial og barnevern

Samla forbruk pr 30.04.19 er 9,5 %.

Status drift:

Sosial: Eit overgangsår frå NAV Modalen til NAV Fensfjorden. Året må nyttast til å samle erfaringar/oversikt. Så langt er det ikkje konkretisert i tertialrapport at det er grunnlag for å konkludere annleis.

Barnevern: I rute.

Utfordringar:

Sosial: Komme i hamn med overdraging av tilsett frå Modalen kommune til NAV Fensfjorden. Masfjorden har signalisert at dette skal skje snart.

Uvisst kva nivå sosialkostnadar utover løn vert etter at tenesta vart samla under NAV Fensfjorden. Må avvente avrekning/rapport.

Barnevern: Ingen knytt til budsjett/rekneskap.

Økonomi:

Sosial: Det er ikkje gjort avrekningar etter at NAV Modalen gjekk over til NAV Fensfjorden (Masfjorden). Det inneber at ein pr. d.d. ikkje har grunnlag for å rapportere nærare. Lønskostnadar skulle ha vore overført til NAV Fensfjorden (Masfjorden) pr. 01.01.19, men dette har blitt forseinka. Dette vert ein del av avrekninga m.o.t. sum Modalen kommune skal fakturerast for.

Øvrige kostnader er i tråd med budsjett.

Samla vurdering: i rute.

Barnevern: Det er så langt ikkje motteke faktura frå Vaksdal kommune for barnevernstenesta me kjøper.

Sjukefråvær:

Sosial:

Modalen kommune har framleis arbeidsgjevaransvar for NAV-tilsett. Fagansvar er overteke av NAV Masfjorden. Det inneber at at dagleg oppfølging m.a. i samaband med evt. sjukefråver vert handsama av NAV Masfjorden. NAV Masfjorden har meldt til Modalen at dei tek sikte på om overføre den tilsette til NAV Fensfjorden innan kort tid.

Sjå kommentar under Rådmannen/sentraladm.

Barnevern: Modalen kommune kjøper denne tenesta hjå Vaksdal kommune. Me har ikkje arbeidsgjevaransvar for tilsette.

Skule

Samla forbruk pr 30.04.19 : 39%

Skulen omfattar grunnskule, skulefritidsordning, vaksenopplæring, pedagogisk-psykologisk teneste

(kjøpt frå Vaksdal) og kulturskulen.

Mo skule har eit samla forbruk på 39 % i fyrste tertial. Dette er same prosentsats som førre år. Dei største postane (løn) er bra i balanse. Det har vore ekstra kostnader i samband med utanlandstur som allereide er lagt inn i rekneskapen.

Noko inntekt er forskyvd i høve til utgiftene, det er mellom anna ikkje sendt refusjonskrav for gjesteelevar fyrste halvår, dette vil betra resultatet ein god del når det vert sendt i juni.

Mo skule har nytta investeringsmidlane som vart løyvd til investering av Chromebooks for 2019.

På vaksenopplæring er det ikkje ført verken utgifter eller inntekter. Her vil utgifterne verta noko lågare etter sommarferien då ein avsluttar samarbeidet med Masfjorden.

Tilsett i kulturskulen (20% stilling) har sagt opp denne. Her skal ein lysa etter folk i tilsvarande stillingsstorleik.

Samla sett ligg ein heilt OK samanlikna med tidlegare år ved Mo skule.

Sjukefråvær fyrste kvartal er på 9,1 %. Mo skule har hatt fleire tilsette på langtidssjukmelding etter nyttår. Det er god dialog mellom tilsette, NAV og lege med mål om gradvis tilbakekomst til arbeid. Ein opplever at ein har bra kontroll på sjukefråværet.

Barnehage

Samla forbruk pr 30.04.19 : 42 %

Fastløn er i balanse i høve til budsjett. Er venta ei lita meirutgift då ein har tatt inn to barn (3 plassar) tilflytta kommunen i april og utgifter i høve til Logopedhjelp. Uvisst kor stor meirutgifta vert. Løn sjukevikar er gløymt lagt inn i årets budsjett. Forventa meirutgift på kr 150.000. Det er venta meirinntekt i brukarbetalinga grunna inntak av nye barn.

I 2019 skal me nytta skulen sine refusjonssatsar til nabokommunane, på spesialpedagogisk hjelp som vert gjeve, noko som er i tråd med praksis i Norhordlandskommunane. Dette er venta å føra til ei meirinntekt, då ein har gått ut frå andre satsar når ein har søkt refusjon tidlegare.

Sjukefråværsprosent 8,4 %.

Dei sjukemeldte vert fulgt opp og ein har laga skriftlege tiltak for å arbeide med å få ned sjukefråværsprosenten.

Pleie og omsorg

Samla forbruk pr 30.04.19 : 37 %

Pleie- og omsorg har prøvt å få til ei anna form for turnus med sjukepleiarane i tenesta. Det vart sendt søknad om medlevertturnus til NSF, der me fekk avslag på søknad datert 04.03.2019 hjå NSF sentralt.

I budsjett for 2019, var fastlønn, fastlønn for sjukepleiararar og avtalefesta tillegg lagt inn etter medlevertturnus. Det vart teke høgde for reduksjon av personale på natt til ein fagarbeidar med sjukepleiar i bakvakt på huset. Såleis kunne ein nytta fagarbeidaren på andre vakter i turnusen, som kunne vere med å gje økonomisk reduksjon/ reduksjon av fråvær og redusert bruk av vikarbyrå i drifta.

Ved at pleie- og omsorg no nyttar gjeldande turnus, vil lønnsutgiftene verte auka i høve desse lønnspostane resten av året. Arbeidet med ny grunnturnus vil starte primo juni, og me vil då få avklart kva stillingar som må lysast ut. Ut frå den turnusen vil me kunne legge budsjett framover som samsvarer med behovet for bemanning i høve drift i pleie- og omsorg.

Pleie og omsorg har store utfordringar ved sjukefråvær og ferieavvikling for sjukepleiarar og hjelpepleiarar, då dei vikarbyråa me har rammeavtale ikkje kan levere vikarar til oss. Det fører til at me må nytte privat byrå, som gjev høgare lønnsutgifter for å kunne ha ei forsvarleg drift- særleg for sommaravviklinga.

Det vert teke høgde for reduksjon av personale ved høgtider, fråvær ut frå forsvarleg drift. Pleie- og omsorgsleiar har delteke i drifta i denne perioden ut frå fråvær av sjukepleiar, som gjev utslag på bruk av overtid då me ikkje klarer få tak i vikarar.

Det er inngått ½ års leigeavtale med Meland kommune om kjøp av ein gjesteplass. (08.04 – 08.10.19), med inntekt kr 432 000. Det kan vere mogleg å auke opp til 2 plasser i løpet av året om me ser at det kan gjennomførast i drifta og om det er interesse frå nabokommunar. Erfaring tilseier at behovet for leigeplassar vil auke framover.

Samla drift, både med tanke på utgift og inntekt, vil verte vurdert nærmare til neste rapport, og det kan verte behov for auka løyving. Det vil me såleis komme tilbake til i neste tertialrapport.

Sjukefråværsprosenten er 13,7 % (i 2018 var den 12,4 %). Det er langtidsfråvær hjå sjukepleiarar som er størst årsak og vert fulgt opp via IA avtalen. Ved at vikarbyråa me har rammeavtale med ikkje kan levere vikarar, gjev det store utfordringar i drifta. Det har vorte nytta fagarbeidarar som vikarar for sjukepleiarane ved fråvær, som gjev høgare kostnader med innleige ved sjukefråvær. Det er framleis nokre tilsette som ikkje er avklart i høve oppfylging, så langtidsfråvær hjå sjukepleiarar vil me kunne ha utover sommar/haust.

Det er ikkje registrert fråvær med årsak i arbeidsforhold.

Kommunelege

Samla forbruk pr 30.04.19: 30 %

Drifta er den same som den har vore siste året, med same tal på tilsette og folk i stillingane.

Inntekt så langt er på 22 %, desse kjem alltid litt på etterskot, og også her forventar me balanse.

Ein del planlagte innkjøp er enno ikkje tatt, mellom anna noko medisinsk utstyr til legekontor og kort-terminal til fysioterapitenesta. Dette vil gje noko auka forbruk i perioden utgiftene påløper, men me ventar å halde oss om lag på budsjett.

Sjuefråværet er 4,8 %. Dette er akseptabelt og innafor det me vil forvente.

Teknisk

Samla forbruk pr 30.04.19: 37 %

Forbruket er noko høgt i høve til kva det burde liggje på ved jamn fordeling i løpet av året. Noko av årsaka til høgt forbruk er auka driftskostnadar på Bryggjeslottet. Bygget er frå 2007 og det er behov for auka vedlikehald. Ein delar og utstyr må byttast ut.

For Teknisk etat er det auka straumforbruk, då etaten har overteke drifta på Bryggjeslottet og såleis overteke straumutgiftene på bygget som er relativt høge.

Inntekt frå kommunale avgifter er ikkje kome inn enno.

Utfordringar:

Uføresette hendingar i kommunen. I 2019 må me ha to nye brøyteavtalar ut på anbod. Dette kan auka kostnadane ein del.

Det er høge kostnader til vegvedlikehald, samt venta kostnader til ei bru på Nygard.

Det vert så langt som råd prøvd å flytte midlar frå andre tenester innan etaten til å dekke meirutgiftene, men det kan verte utfordrande å få det til. Vil komme tilbake til evt behov for auka midlar i neste rapportering.

Sjuefråværsprosent: 10,8 %. Det er auka sjuefråvæ - nokon kortidssjukemeldte og nokon langtidssjukemelde.

Status småinvesteringar i drift:

	Regnskap	Buds(end)	
	2019	2019	Status/kommentar:
VA-plan 2019 (småinv)	0	450 000	Under arbeid/planlegging
Utstyr/maskiner reinhald 2019 (småinv)	0	120 000	Under arbeid/planlegging

Investeringar:

Sjå oversynet under med kort kommentar over påløpt utgift og budsjettløyving for investeringsprosjekta i 2019.

	Rekneskap	Budsjett	
	2019	2019	Status/kommentar:
Tilrettelegging for bustadareal	0	600 000	Under arbeid - Sak til FS/KS i mai-juni.
Asfaltering	0	250 000	Under arbeid – knytt til ny bustad på Helland
Forprosjekt kommunehus/servicebygg	537	10 000 000	Under arbeid – Prosjektering HRTB
Oppgradering fellesareal Modalstunet	642 734	1 700 000	Ferdig i veke 21.
Oppgradering brannstasjon	16 314	500 000	Under arbeid / sak inn til KS 13. juni
Oppgradering flytebyggja, Mobryggja	0	500 000	Ikkje påbegynt – under planlegging
Rassikring	44 672	150 000	Under arbeid
IKT-investering Mo skule - Chromebook	139 760	150 000	Ferdig
Ny bil til uteseksjonen	330 000	350 000	Ferdig.
Oppgradering komm.bustader 2019	3 764	500 000	Ferdig Kleivane 18 – Kleivane 19/21/23 under planl.
Nytt dekke tennisbana Øvre Helland 2019	0	150 000	Under planlegging
Nytt dekke ballbingen Mo skule	0	150 000	Under planlegging
Sand- og saltspreiar	0	170 000	Innkjøp pågåar
VA-tiltak av investeringsm. karakter 2019	0	400 000	Under arbeid
Flaumførebygging Modalselva	0	250 000	Under arbeid
Sjølvåande grasklippar	0	150 000	Ferdig.
Uføresette investeringar	0	300 000	Unytta til no.
TOTALT	1 177 781	16 270 000	

Finans:

Likviditet:				
	Rente:			
Bankinnskot:			30.04.2019	Saldo 31.12.18
Gjerstad sparebank	1,55 %		1 997 413	1 997 413
Stadsbygd sparebank	0,90 %		1 853 882	1 853 882
Soknedal sparebank	1,30 %		2 281 334	2 281 334
Modum sparebank	1,40 %		2 014 972	2 014 972
Arendal og omegns sparekasse	1,20 %		2 474 847	2 474 847
Kragerø sparebank	1,40 %		2 021 442	2 021 442
DnB	0,10 %		828 830	829 230
Sp 1 SMN	0,85 %		1 848 952	1 848 952
Sp Vest (fleire konti)	0,60 %		15 456 270	10 194 897
Kasse			68 096	63 532

Skattetrekkkonto	1,00 %		2 010 021	1 558 002
Legatkonto	0,60 %		248 890	248 890
Sum kasse, bankinnskot			33 104 950	27 387 394
Pengemarknadsfond:	Avkastning:			
Pluss pengemarked	1,78%		10 338 283	1 546 406
		Totalt	43 443 233	31 450 648

Kommentar:

Driftskontoen til kommunen er i Sparebanken Vest. Reglementet avgrensar kor mykje ein kan ha inneståande

I ein bank til kr 15 millionar. Det vil verte omplassert noko midlar frå Sparebanken Vest til Pluss pengemarked.

Likviditeten er god.

Rentevilkåra er for tida låge, grunna lågt generelt rentenivå.

Me ventar framleis lågt rentenivå framover.

<u>Gjeld:</u>				
			30.04.2019	31.12.2018
Kommunalbanken			15 434 100	15 862 820
Flytande lånerente siste endring			1,95 %	1,85 %
Kommunalbanken			512 900	512 900
Flytande lånerente siste endring			1,95 %	1,85 %
Husbanken - formidlingslån			7 054	7 220
			701	873
Lånerente siste endring			1,55 %	1,41 %
Husbanken - oppføringslån			0	0
Lånerente siste endring				
3 M Nibor :			1,40 %	1,27 %

Kommentar:

Det er teke opp nytt formidlingslån, kr 1 000 000, i 2019.

Gjelda til Modalen kommune er ikkje høg i høve til kommunen sin evne til å betale renter og avdrag

Ein ventar framleis lågt rentenivå i 2019, men kan stige noko..

Modalen kommune betalar avdrag godt over minimumskrava som Kommunelova set.

Det er ingen avvik mellom faktisk forvaltning og risikorammene i finansreglementet.

Langsiktige finansielle aktiva:

Kommunen har ingen midlar pr dato som er definert som langsiktige finansielle aktiva.

Fråvær pr 30.03 – 1. kvartal 2019

	Moglege dagsverk	Fråvær	Prosent	Prosent	Prosent
			30.03.2019	30.09.2018	30.04.2018
RÅDMANNEN inkl Sosial, Kultur og Næring	582	55,9	9,6 %	5,3 %	7,4 %
REKTOR MO SKULE	996	91	9,1 %	5,9 %	9,1 %
BARNEHAGESTYRAR	610	54,8	9,0 %	4,9 %	8,4 %
PLEIE- OG OMSORGSLEIAR	966	132,3	13,7 %	7,4 %	11,4 %
KOMMUNELEGE	265	12,8	4,8 %	2,0 %	1,0 %
KOMMUNALSJEF TEKNISK inkl Reinhold	753	81,2	10,8 %	7,3 %	5,9 %
Sum utvalg	4 172	428	10,3 %	6,0 %	8,2 %

Forklaring til tabellen:

Innan området Rådmannen inngår sentraladministrasjonen, kulturavdelinga m/Bryggjeslottet og NAV-sosial. Innan området Kommunalsjef teknisk inngår også vaktmestertenesta og reinholdartenesta.

Fråværet 1.kvartal ligg høgare enn i fjor.

Det vert jobba godt med oppfølginga av dei sjukmeldte på dei ulike avdelingane i kommunen, og det er eit kontinuerleg fokus på oppfølging og førebyggjande sjukefråværsarbeid.

Konklusjon

Rådmannen er i hovudsak nøgd med status pr 1. tertial, og rår til at kommunestyret tek saka til orientering. Det er einskilde område med utfordringar knytt til å halde budsjettløyvingane. Det er enno tidleg på året, og det er viktig å gjennomgå økonomien grundig, og avklare kva høve ein har til å omdisponere midlar, samt vurdere inntektsutviklinga gjennom året. Me vil komme tilbake til evt behov for justeringar av løyvingane i samband med neste tertialrapportering.

Sakspapir

Saksbehandler	Arkiv	ArkivsakID
Magne Verpelstad	FE-210, TI-&14	18/109

Saksnr	Utvalg	Type	Dato
018/2019	Formannskapet	PS	04.06.2019
035/2019	Kommunestyret	PS	13.06.2019

Årsmelding og rekneskap 2018

Forslag til vedtak:

Modalen kommune sin årsrekneskap og årsmelding for 2018 vert godkjent.

Saksopplysningar:

Bakgrunn

Årsrekneskapen skal godkjennast av Kommunestyret etter fråsegn frå Kontrollutvalet og tilråding frå Formannskapet.

Kommunestyret skal gjere vedtak om årsrekneskapen og årsmeldinga innan 6 månader etter slutten av rekneskapsåret, jfr § 10 i forskrift om årsrekneskap og årsmelding, gjeve med heimel i Kommuneleva § 48, nr 6.

Rekneskapsmessig mindreforbruk i driftsrekneskapen for 2018 er kr 0 etter gjennomføring av strykningar i medhald av forskrift om årsrekneskap for kommunar og fylkeskommunar, § 9.

Udisponert i investeringsrekneskapen kr 0.

Vurdering

Kommunestyret må ta stilling til disponering av evt mindreforbruk i driftsrekneskapen eller inndecking av evt meirforbruk. Dette vart kr 0 i 2018, og såleis ingen inndecking eller disponering.

Det vert vist til rekneskapsdokumentet for 2018 med noter, årsmeldinga for 2018, revisjonsmelding

og –rapport frå Nordhordland revisjon IKS, samt fråsegn frå Kontrollutvalet si handsaming av saka i møte 21.05.18.

Konklusjon

Det vert tilrådd at Modalen kommune sin årsrekneskap og årsmelding for 2018 vert godkjent.

Vedlegg:

Rekneskapsdokument 2018

Årsmelding 2018

Revisjonsrapport årsrekneskap Modalen 2018

Revisjonsmelding 2018

2019 05 21 Møteutskrift Kontrollutval Modalen

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-062	17/279

Saksnr	Utvalg	Type	Dato
036/2019	Kommunestyret	PS	13.06.2019

Framlegg møteplan hausten 2019

Forslag til vedtak:

Framlegg til møteplan for hausten 2019 vert vedteke slik den ligg føre

Saksopplysningar:

Framlegg møteplan haust 2019

	August	September	Oktober	November	Desember
Administrasjonsutval				25.	
Arbeidsmiljøutval		16.		25.	
Formannskapet		9.	22.-23.	26.	
Kommunestyret		5.	15.	14.	12.
Næringsfondstyret		9.*	22*	26.*	
Valstyret Råd for eldre og funksjonshemma		9. – 10.*		25.	

* Næringsfondet har berre møte dersom det er saker som skal handsamast.

* Valstyremøte/valgjenomføring 9. og 10. sept

Sakspapir

Saksbehandler	Arkiv	ArkivsakID
Marius Flemmen Knudsen	FA-S05	19/1

Saksnr	Utvalg	Type	Dato
037/2019	Kommunestyret	PS	13.06.2019

Krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet

Forslag til vedtak:

Kommunestyret godkjenner framlegg til krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet. Dokumentet gir eit godt grunnlag for arbeidet med revisjon av konsesjonsvilkåra og tar opp dei tema som er viktige for kommunen.

Saksopplysningar:

Bakgrunn

Kommunestyret vedtok i sak 017/2019 å fremme krav om revisjon av konsesjonsvilkår for Steinslands-/Modalsvassdraget i samband med revisjon av konsesjonsvilkåra i Eksingedalsvassdraget og Teigdalsvassdraget. NVE ville at kommunane samordne krav om revisjon, og Voss kommune har tatt på seg å lede dette arbeidet. Voss kommune har gitt tilbakemelding til NVE på vegne av dei kommunane som har vedtatt å fremme krav om vilkårsrevisjon. Kommunane Voss, Vaksdal, Modalen, Vik og Kvam har alle sagt at dei vil fremme krav. Høyanger kommune ønskjer ikkje å

fremme krav. Frist for å sende inn krav om vilkårsrevisjon er 1. juli 2019.

På bakgrunn av dette har kommunane gjennomført ei høyring for å få innspel til arbeidet. Administrasjonen sendte 26. april saka på høyring til Modalen bondelag, Modalen elveeigarlag og Modalen reinslag for å få innspel. Fristen for høyringa vart satt til 20. mai, og etter høyringsfristen hadde kommunen fått eit innspel.

Vurdering

Voss kommune har teke ansvaret med å samordne krava frå dei ulike kommunane. Dei har nytta Rådgivende Biologer som konsulent i arbeidet med krava. Det felles dokumentet med krav om revisjon har ein generell del om prosessen og dei ulike vassdraga, men også ein meir spesifikk del knytt til dei ulike kommunane og vassdraga. Det har vore allmenne interesser som skulla ha fokus i ein revisjon. Som leveforholda til laks og sjøaure, villrein og evt. andre truga arter/ bestandar. I tillegg har t.d. tilhøva for friluftsliv og reiseliv kunne vore aktuelle tema.

Modalen elveeigarlag kom med innspel i høyringsrunden. Dei tek opp fleire tema knytt til vassmiljø i Modalselva, i hovudsak knytt til laks og sjøaure. Deira innspel er god utgreidd og gir eit godt grunnlag som er viktig å ta med seg vidare inn i arbeidet med revisjon av konsesjonsvilkåra. Administrasjonen har difor stilt seg bak desse krava, med bakgrunn i at kommunen er opptatt av at arbeidet med re-etablering av laks og betring av levevilkår i vassdraget skal lukkast. Administrasjonen sendte over innspel frå elveeigarlaget for samordning 27. mai.

Etter at kommunen sendte over krava til vilkårsrevisjonen har desse blitt samordna med dei andre kommunane som planlagd. Voss kommune har sendt eit utkast til krav om vilkårsrevisjon på vegne av kommunane (vedlagt saka). Administrasjonen har gått igjennom dette og meiner at dokumentet er eit godt grunnlag for å starte arbeidet med revisjon av konsesjonsvilkåra. Ikkje alle krav/moment i dokumentet er relevante for Modalen kommune. Dette skuldast at dei er knytt til andre vassdrag i dei andre kommunane. Dokumentet må ha ein generell del om arbeidet, konsesjonane og dei tema som er overordna eller går over kommunegrensene som t.d. villrein. Nordfjella og Fjellheimen villreinnemd har komme med innspel om villrein.

Fristen for å sende inn krav til revisjon av konsesjonsvilkår er 1. juli. Deretter skal NVE ta endeleg stilling om det vert vilkårsrevisjon og kva tema som skal vurderast i ein revisjon. Dersom det vert vedtatt revisjon av konsesjonsvilkåra startar ein prosess med utgreiingar av dei ulike tema, uttale frå regulant og andre interessentar og fastsetting av nye vilkår.

Konklusjon

Arbeidet med krav om revisjon av konsesjonsvilkåra er godt i gang, og kommunane har no eit godt grunnlagsdokument. Administrasjonen meiner at det utarbeidde dokumentet er godt og tek opp dei momenta som kommunen vil fremma. Dokumentet skal godkjennast av kommunestyret før det innsending til NVE. Då framlegget er felles for alle kommunane, skal det difor godkjennast av alle kommunestyra.

Vedlegg:

Oversending og oppsummering av høyring i Modalen kommune - Krav om revisjon av konsesjonsvilkår

Høring Revisjon Modalsvassdraget

Felles kravdokument 05.06.2019

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-614, TI-&46	18/23

Saksnr	Utvalg	Type	Dato
038/2019	Kommunestyret	PS	13.06.2019

Brannstasjon på Mo

Forslag til vedtak:

Kommunestyret vedtek å arbeide vidare med å oppgradere eksisterande brannstasjon på Mo (Alternativ 1). Prosjektet er avhengig nytt politisk vedtak før inngåing av kontrakt med totalentreprenør, etter at anbodskonkurranse er gjennomført.

Saksopplysningar:

Bakgrunn

Brannstasjonen på Mo er ikkje tilfredsstillande og må derfor utbetrast iht. dagens krav og standard.

Arbeidstilsynet fører tilsyn med at verksemdene overheld arbeidsmiljølova. Verksemdar som er underlagt arbeidsmiljølova, har når Arbeidsmiljølova krev det, plikt til å sende inn opplysningar, jf. arbeidsmiljølova § 18 – 5. I perioden 2016 -2017 hadde Arbeidstilsynet eit postalt tilsyn innanfor førebygging av eksponering for brannrøyk og støv. Tilsynet avdekkar mange lovbrøt, og som resultat påla Arbeidstilsynet Modalen kommune å utbetre eksisterande brannstasjon slik at lokala vert tilfredsstillande.

Fakta:

- Brannfolk er eksponert for giftige og kreftframkallande kjemikalier som er i brannrøyken.
- Brannfolk er betydeleg meir utsett for å utvikle ei rekke kreftsjukdommar.
- Brannfolk har også høgare førekomst av luftvegslidningar.
- Feiarar har høgare førekomst av lungekreft og hudkreft.

Arbeidsgjevar sitt ansvar:

- Fysisk tilrettelegging - eit døme på det er brannstasjon og bilar med «rein og skitten sone»
- Rett utstyr

- Opplæring og informasjon
- Rutinar /prosedyrar
- Haldningar

Stasjonsoppbygging – krav:

Forskriftskrav om rein og urein sone i arbeidsplassforskrifta § 3 – 6.

Krav frå Arbeidstilsynet:

- Arbeidsgjevar må leggje til rette for at tilsette har tilstrekkeleg vern frå alarmen går, til arbeidet er avslutta og dei forlet brannstasjonen.
- Det må vere tilrettelagt for vask av utstyr og personeleg verneutstyr som benyttast på brannstaden.
- Brannstasjonen må ha vaskemaskin, for å unngå at brannfolk og feiarar må ta med arbeidstøy heim til vask.
- Ventilering og vognhall og øvrige rom.
- Det er viktig å leggje til rette for skilnad mellom det som er reint og det som er forureina.

Arbeidstilsynet har blant anna peika på i høve Modalen kommune:

Arbeidstilsynet har fått opplysningar og stadfesting på at Modalen kommune framleis skal vera eigar, og forpliktar seg å gjennomføre utbetring og oppgradering av brannstasjonen på Mo. Modalen kommune inngår leigeavtale med NHBR. I avtalen skal Modalen kommune ta kostnadane med utbetring.

Modalen kommune er med i samarbeidet Nordhordland brann og redning(NHBR). I Modalen er det plassert lokalstasjon på Mo og eit deponi på Øvre-Helland. I samarbeidsavtalen har Modalen kommune forplikta seg til å gjennomføre ei oppgradering av brannstasjonen på Mo. Brannstasjonen skal vera i Modalen kommune si eige, men vil verte leigd ut til NHBR. Modalen kommune har derfor ansvar for planlegging og utbetring. Tiltak som går på rutinar, opplæring og vask av klær vart ivarettatt i dag.

Vurdering

I økonomiplanen 2018 - 2021 vart det i investeringsbudsjettet satt av kr 400 000,- for å starte arbeidet. Forbruk kr 81 660,-. For 2019 - 2022 vart det i investeringsbudsjettet satt av kr 500 000,- for å forsette arbeidet. Forbruk fram til no kr 39 160,-.Hausten 2018 vart det utlyst ein anbuds konkurranse for å skaffe prosjektleiar og arkitektassistans. Det mest fordelaktige tilbudet hadde Forum Arkitekter AS, og dei vart etablert i prosjektet.

Arbeidet utførast i tett samarbeid med NHBR der brannmannskapa er representert via verneombod. Arbeidstilsynet vert kontakta for avklaring, at planløyisingar er i samsvar med arbeidsmiljølova sine krav. Verneombod/tillitsvalde vil delta i planprosessen.

Skisseprosjekt (sjå vedlegg 2) blei presentert i KS 007/2019 under orienteringssaker: Presentasjon av mogeleg oppgradering av brannstasjonen på Mo.

- Orientering ved brannsjef Karl Johannes Romarheim om grunnlag for oppgradering av brannstasjonen, jfr. krav frå Arbeidstilsynet.
- Forum Arkitekter AS synte fram skisse for mogeleg oppgradert brannstasjon og orienterte om ein kostnadskalkyle på kr 8 837 500,- inkl. mva.

Det har vore vurdert tre ulike alternativ til brannstasjon:

Alternativ 1. Oppgradering av eksisterande brannstasjon på Mo, Hall A:

- Lokale er stort nok (ca. 430 m2) til å oppfylle krava frå Arbeidstilsynet.

- Positivt at kommunen har bygningsmasse som kan oppgraderast og stundes kan brukast i høve ny brannstasjon. Kommunen får og vedlikeholdt eksisterande bygg kontra nybygg.
- Byggetida vil bli noko kortare enn å bygge nytt bygg.
- Det er behov for vaskehall. Det er det ikkje plass til i Hall A, men kan løysast ved å etablere ein nøktern vaskeplass utanfor stasjonen.
- Enkel inn/utkjøring.
- Plasseringa ligg høveleg til på Mo.

Alternativ 2. Oppgradering av Hall C i industribygget:

- Lokale er større enn Hall A.
- Her er det plass til vaskehall.
- Dyrare alternativ enn Hall A, pga. storleik.
- Kommunen leigar i dag ut arealet til vinteropplag for bobilar og båtar, og vil miste noko inntekt om brannstasjonen vart flytta til Hall C.

Alternativ 3. Bygge helt ny brannstasjon på Mo.

- Bygge nytt bygg.
- Lett å tilfredstille nye krav.
- Lett å få plassert inn dei funksjonane det er behov for.
- Kommunen har ikkje i dag eit ferdig regulert tomteareal som kan brukast til å bygge ny brannstasjon.
- Byggeprosessen vil ta lengere tid.
- Prosjektet vil bli veldig kostnadskrevande.
- Kommunen aukar bygningsmassen sin som igjen vil føre til auka vedlikehaldskostnadar.

Vurderinga av dei tre alternativet peikar på at Alternativ 1. vil nok vere det rimlegaste alternativet. Forum arkitekter har utarbeida ei kostnadskalkyle i høve Alternativ 1. med ein sum på kr 8 837 500,- inkl. mva. Sjå vedlegg 1. Kostnadskalkyle

Det vil også vere kortare byggetid om ein velger Alternativ 1. Det er klart bygginga vil ha fordel av at ein bygger under eksisterande takkonstruksjon. Kontordelen må byggast som nybygg med gulv, yttervegger og tak. Kostnadane er vurdert ut ifrå tilsvarande bygg og størrelse/kompleksitet.

Følgjande framdriftsplan er lagt til grunn:

- Oppstartsmøte - gjennomført
- Programmering og skissefase - gjennomført
- Presentasjon av skisseprosjekt i kommunestyret - gjennomført
- Avklaring med brukarar og Modalen kommune - avhengig av politisk vedtak - står att
- Ferdigstilling av løysningar, kostnadskalkyle - gjennomført
- Søknad om rammeløyve - gjennomført
- Utarbeiding av tilbods dokumentasjon for Mercell - står att
- Gjennomgang av dokumentasjon Modalen kommune - står att
- Utlysning på Mercell - står att
- Evaluering av innkomne tilbod - står att
- Godkjenning Modalen kommune - avhengig av politisk vedtak - står att
- Inngåing av kontrakt med totalentreprenør - står att
- Byggefase - står att
- Ferdigstilling - står att

Konklusjon

Etter rådmannen si vurdering vil ei oppradering av eksisterande brannstasjon på Mo, Alternativ 1. gje ei tenleg og framtidsretta løysing og vere det rimeligaste alternativet. Rådmannen vil tilrå at skisseprosjekt som no foreligg med ein kostnadskalkyle på kr. 8 837 500,- mill. inkl. mva. vert lagt fram for kommunestyret til godkjenning etter at anbodskonkurranse er gjennomført.

Vedlegg:

Kalkyle 16.11.2018 vedlegg 1

Skisseprosjekt brannstasjon vedlegg 2